

遠
昨
非
近
體
詩

靜
齋
題



遼寧匡 扶昨非著

匡 昨 非 近 體 詩

中華民國三十六年九月九日刊於瀋陽

題匡昨非近體詩稿即用六非字見始詩鈞

未必先生勝後生
新詩讀罷已心傾
力能扛鼎疑無重
可生波毒不平情
或珠或璧世所期
君博曰百年名何
當待綠回黃後
十雨聽衣信有情

梅雨江南訪舊時
花開花落絮人思
一枚泥染中書筆
百首清詩近體堪
笑身才淺過眼
是論法及病
華能解
暇自有匡衡在
咀雅含風正一奇

丁亥秋首登揚會敏齋靜庵甫并撰



匡昨非近體詩

遼寧匡 扶昨非


被酒二首

輕絲流管夜沈沈
舊夢低徊土滿襟
梅老尙存當日媚
春明難慰少年心
斷杯席上猶分酌
得句燈前莫浪吟
我亦十年遲作賦
邊關風雪竟於今

已拌病酒春無奈
生悔情緣入世多
塞上雪飛迷曉日
江南鶯語挂新羅
漫嗟二十聊如爾
敢道百年更若何
似此宵深欣有月
要君痛飲爲君歌

題胡元初先生柳榭圖

畫裏青青省舊游
浮雲落日使人愁
只今搖落空煙雨
萬點鴉



• 806501

棲水自流

使君心事託孤鴻別有甘棠任好風
馬後桃花馬前雪天涯行徧又空同

苦從花落憶花開江上秋風劇可哀
十七柳亭無恙否卅年前此手親栽

小劫人間尙有圖白頭生憶武昌魚
何堪風物竟如此一樣情深種樹廬

答問

平原鼓角射新雕惆悵風沙鐵已消
酒後高齋縈夢寐杏花零落馬聲驕

寄宛白

最愛春消息東風拂柳枝芳華看又負不敢寄相思
昨日是清明故鄉應有鶯一事借相問春蘿挂幾莖
一百一長亭鄉思繫草青何堪消息阻新月小如星

次韻答容與吉林

天教風雪作新春江上入消萬古塵快讀君詩忘夜永不須相
見亦情真

入海棲遲恨未歸聊憑詩句送斜暉未來歲月應珍重莫遣初
心日日非

酒家

謫仙醉酒輒吟詩我愧微醺怯不支杯底浮沈千古事座中歌
哭十年思生涯久已淪孤獨骨肉於今感別離留得春衫疏後

約爲他乍暖乍寒時

鄉思崎嶇醉裏多更無聊賴一高歌白雲盡處迷親舍愛日斜
時映薜蘿許我聰明餘未減向人意氣半消磨唐衢且咽三升
淚石火蝸牛語豈訛

贈臧榮濤

十九人中君最少聊從談笑見行藏舊游如夢誰能說小飲臨
分醉已忘鹽鐵都關家國計簿書漸覺歲年長北來應有餘寒
在畫意詩情一例荒

次韻答公眉

小院涼生月滿天秋來病眼怯孤眠長安乞米歸難得信美家
山亦枉然

漫漫長夜旦方遙壯志華年一例消被酒吟詩人愈瘦尋常藥物只親調

風雨之夕一時百感棖觸系之以詩

作賦十年尙未成更堪搖落被時輕俱多夢裏難言事可有人間盡得名志絕風塵惟一氣身非太上亦忘情孤燈自笑悽涼甚忍聽風聲雜雨聲

攬轡澄清苦未能邊關留滯感難勝飽經世路逃名利漸覺禪心無愛憎故人日逐風波遠白髮時兼歲月增滿引紅螺餘一笑知幾只合冷於僧

別瘦僧

故園歷歷無窮樹一半撩人不斷路相見時難別亦難前灘風

雨飛雙鷺

雨夜賦呈六橋先生

北來千里成何事，愁對孤燈聽雨聲。
案上丹鉛負少壯，鄉關白髮亂歸情。
堂堂歲月增無已，汨汨詩懷退又生。
兀坐知公同此夕，人間世小一官輕。

初秋六首

秋蘿骨瘦挂疏檣，雁叫中天應亦僇。
久客翻疑身是夢，匡牀臥聽雨零零。

落葉蕭蕭咽暮蟬，日斜空憶綠楊煙。
故鄉原有魚盈尺，豈爲孤燈怯未眠。

雨弄微涼向晚生，庭梧策策亂歸情。
衣裳未剪風聲急，待乞天

公數日晴

殘月曉風滿塞關酒紅兀自上愁顏比來塵夢消多少貪釣秋

江且小閒

眼驚時序吟偏苦氣感微寒露作霜何處月明人不寐一聲長
笛度伊涼

客思頻生身世嗟况多風雨歇繁華偶來鄉信無餘事只道東
籬菊著花

昭陵有作

落落孤懷但自危行吟寧不爲秋悲河山終古真堪賞身世於
今已可知一寸尙餘名士宅三年虛憶豆花詞

一葦先生游昭陵詩有
豆花疏雨憶江南之句

蓋同游夢九先
生此詞先成

比來風物成悽絕欲擷殘紅奈晚枝

石上

笑我簿書成困頓偶來海上滌羈塵扁舟一著輕於葉不惜飄
飄寄此身

秋色都來海岸亭水天無際向人青詩成莫自臨風唱恐有魚
龍出水聽

十年孤憤託靈均節物驚秋倍悵神前路漫嗟知己少月明遙
憶素心人

零星往事何堪論石上依稀不可尋佛說原無人我念悠悠萬
古倏成今

中秋星浦

臨流敢有乘桴意輸與驚濤駭浪聲月缺月圓寧有極秋風秋

雨總關情歸帆婀娜縈詞客舞葉猖狂壓豆棚待向此鄉覓空
闊水雲無際足深清

可耐

山林城市兩相違敢向秋風怨未歸已盡殘荷驚落葉共君無
語伴斜暉

相逢一笑散秋悲正是夕陽最好時可耐宵深入未去滿天風
露月如眉

名山待訪惟親在鏡裏何由駐少年比似都門黃仲則清時零
落有誰憐

讀書擊劍嗟無用賸有人天萬種思苦語當秋君莫怪故園同
負菊花期

秋日牡丹園雅集次少虬韻兼呈一葦先生

拌將爛醉作生涯，懶看殘陽映落霞。
湖我宦情消逝水，知君心事託寒花。
青山舊約文焉用，團扇才人鬢未華。
更愛吾廬明月夜，隔窗蕉影試分茶。

歌成長缺竟無家，邂逅斯人天一涯。
南望忽驚雲覆雨，北來正

待雪烹茶曾思白，下題疏柳也乞通。
明護落花

一葦先生有秋柳四章
徵和少虬亦曾和跋庵

太傅落花詩

今日唱酬應盡醉，鬢邊容易上霜華。

酬容與吉林兼懷小野

縱酒何曾因酒醉，悠悠濁世獨醒時。
客途冷節饒歸夢，江上西風動遠思。
已遣秋心參菊色，更摩病眼誦君詩。
人間信有佳山水，泛宅攜書儻未遲。

一葦先生召飲同抱一公眉分韻得風字

小子文書消夜永先生杖履駐春風
因循未索三年艾談笑真成一代雄
流光黯黯吟詩苦故國愁愁上酒紅
底物清明看又過杜鵑啼不到空同

次韻竟方楊花

倚闌入正悵斜暉待證前因旋覺非
自隔銀牆迷近遠苦從汀鷺較輕肥
高樓客散翻疑夢永晝詩成只掩扉
看爾紛忙能幾日一春心事又花飛

春日西園

東風一夜不勝吹曉起春光返舊枝
去日鄉愁猶黯黯撩人柳色自絲絲
客途人蓄三年憶筆底心縈萬種思
莫向前花增感

慨殷勤惜取少年時

誰染名園樹樹緋波光草色繪春歸平林好去聽鶯囀拂水無
端見燕飛風片雨絲聊共駐詩情畫意兩相違看朱成碧真何
極竟爲繁華懺昨非

長春竹枝詞

日落閒情未可描西園一路馬蹄驕待郎深夜羅裳薄花動月
明潭月橋

一天紅日午眠餘小試華清著短裾燕子投懷郎記取阿儂何
似美人魚

映畫龍春最有名寫心儂愛女兒經女兒心事原如此嫁得金
龜怕薄情

游人爭說牡丹園
小溪塘團似盆
妾自采蓮郎鼓棹
花香人影入黃昏

昨夜孟蘭渡
戾氛鼓鏡般若正
囂紛曉風殘
月天如水禮佛人
過孝子墳

嶺上秋高會健兒
雌雄裝束眼迷離
人前大好撐竿手
笑作石家委地姿

贈王詔林先生

一從人海早抽身
羨煞風流賀季真
合伴菊寒稱隱士
能殫心力作詩人
芳樽明月如相識
白髮青箱自有因
笑倚孤松忘世事
優游老境但安仁

雨夜感賦兼呈夢九先生

一雨已霑秋氣味三年客路此孤燈朝來鄉思輕於葉病起名
心退似僧嗷嗷饒有啼饑雁袞袞真成逐臭蠅我自西風揮禿
筆名山十載足攀登

新涼似水透簾紋夜雨如繩倍憶君詩筆自堪誇數子鳶肩同
是誤空羣百年愁病看將老萬緒牽纏解愈紛到此頭顛應易
識何當歸去獨攻文

秋興

西風爾許稻梁時露重寒塘早雁知城市渾餘殘暑熱芭蕉欲
展向心枝天涯羈恨空書咄海內浮名只詠詩石火人生須顧
惜青樽莫負菊花期

秋柳

堂堂歲月去何堪苦雨無端損舊愁此際紅深遙戍外當時綠
滿大江南孤舟白下日垂晚舊事漢宮人起三忍向西風搔短
髮中年意味想同諳

涼露娟娟悵未眠日華先動大隄邊纏綿猶似逢三月折贈何
曾受一錢條賸短長都黯黯眼驚風雨自年年新詩唱與劉郎
聽併作秋聲劇可憐

夜作

風將落葉點荒苔舊事翻從醒後哀一夜寒雲多少夢個中爭
逐雁飛回

忽驚白髮雜青頭駐馬京華半舊游何處晚風人弄笛菊花開
滿故園秋

無端

無端落木下前除去日情懷自覺疏
草色漸荒幽竹徑秋光先到野人廬
三年世事飛鴻爪終歲生涯貝葉書
我本從來緘默者聊將冷眼看華胥

村居三絕句

繞岸東行柳萬株斜陽一抹澹如無
漁人酒熟渾忘物風逐輕舸打短蘆

半山笛弄下牛羊隔水田家欲築場
一幅關風圖畫裏有人貪看到昏黃

調麩量水兩難禁況復新聲是晚砧
明月窺人眠未得清猿啼出故鄉心

重陽前一日容與來晤自吉林

憂懷漸怯少年場，況復相逢是別觴。
儘有名園來眼底，苦無好語入詩囊。
世人碌碌寧知子，心事愁愁只斷腸。
得失古今同一例，且教沈醉過重陽。

二絕句

敢道清才不入時，頻年流俗劇生悲。
倚闌無限河山感，付與新豐酒一卮。

孤燈一夜雪毵毵，觸忤愁懷百不堪。
掃地焚香新活計，此生端合禮優曇。

書感

冬來景物日蕭蕭，賸有斯人著寂寥。
千里因循成久客，一身才

予倚長簫虛懷舊地尋梅約笑擲邊城換酒貂我亦北門愁直
視暮天風雪撼鷓鴣

三年

三年心事如纏繭咫尺吟成興轉孤已倦浮名參舊夢好開笑
口作今吾幽懷悒悒憑誰說真想迢迢只自殊爲問寒階明月
色多情此夕照君無

當春

當春饒有田園興客子歸心與事殊新綠朝來無限好眼前生
意轉愁吾

萬千心事忍重論涕淚無端付酒樽尙有壯懷消未了相看零
落亦何言

感逝王詔林先生

憶我受書來古邑隨人猶及拜先生一經老守真何益畢世難
求不盡名汲水管寧能化俗罷官彭澤但躬耕友陶軒外重回

首料峭春寒淚欲傾

友陶軒蓋先生著書處也

新綠二首

閉門十日興闌珊作意東風只薄寒拂陌柳絲驚乍見盈隄草
色耐遙看一江水活翻新鳴萬壑陰輕覆舊巒昨日清明花未
發小樓微雨不成歡

東風萬樹似抽簪葉葉誰裁點上林拂水依然來舊燕買春正
欲擲黃金新愁隔夢催詩筆細雨飄簾潤綺琴莫問西泠游賞
地鶯飛草長自繁陰

過遼陽

少小詩名漸自憐，春隨倦旅一時還。
山光繞郭來新綠，柳色依人帶薄煙。
鐵馬金戈空有夢，斷雲孤塔足通禪。
吟成卻憶王瑤叟，占盡風流二百年。

前題有寄

迹殘舊夢空爲累，酒病離愁總未分。
千萬歡情猶昨日，儂心似蜜敢嫌君。

人天去駐兩倉皇，載得新愁不可量。
底事未春先有思，斷無消息過遼陽。

壽介禪先生七十

平生詞賦足流連，晚節孤風託石泉。
檀板紅牙歌此日，書聲燈

影憶當年童顏豈假丹砂駐游興未隨白髮捐待共長山爭壽
考姑從塞上著吟鞭

寒食

早識人間富貴輕少年誰解惜詩名孤燈冷雪逢寒食地老天
荒奈此情

十日輕陰未出門酒痕兀自雜啼痕抽刀斷水尋常耳奈有平
生未報恩

黯黯真成醉夢中休將小別怨東風邊關二月春如此敢乞相
思一味同

獨向空軒撫寫真拈花一笑欲傳神春來有恨無人省掃地焚
香懺昔因

十年流落滯天涯
被酒吟詩送歲華
滿地春暉憐寸草
有家人已等無家

西園獨坐

一聲春去苦難留
獨倚斜陽省舊游
聽雨看雲心有迹
浮萍飛絮話無由
始知憎愛都爲累
不信詩書可解憂
來日茫茫君惜取
相思如命未能休

次韻和容與暮春吟望

一春心事又離觴
歌管誰家趁夕陽
舊燕來時人獨瘦
紅芍開後雨俱香
已拌消息隨雲斷
漸覺相思似晝長
莫問當年游賞地
輕陰換盡況歡腸

春暮淨月池

勝日驅車聊復爾，載將愁病或披襟。
雲山過眼都堪賞，別緒如絲不可尋。
夢覺春婆空我迹，池名淨月識禪心。
松江如帶人留滯，一樣相思似水深。

北山共小野容與作

論交今日不妨真，百里豈應失近鄰。
舉世誰能忘此老，

遼陽金靜庵先生

江山相對況三人，邊關畫角吹紅日。
眼底秋風起白蘋，有酒且澆蘇小墓，樽前俱是健康身。

莫問諸賢觴詠地，大江東去浪花平。
連宵細雨秋無賴，滿壁新題客有情。
隔水人存爭渡意，寥天雁作忍饑聲。
去年楓冷昭陵路，一樣西風感此行。

重九次茱纒韻

燕王昔好客手掃黃金臺
易水風虛發函關氣自來
方圓應未定得失不須哀
歲晚驚佳節相逢笑口開

故國心何極殘雲鬱不開
同攜桑落酒獨憶項王臺
月挾晨星去秋隨暮雨來
知君吟興好況有菊花催

秋末一葦先生召飲

松水汪汪咽未流聊憑樽酒送殘秋
臨風更覺襟懷遠天末白雲自起浮

漁洋絕唱雅堪侔夢得深心豈便休
我亦樽前增感慨西風又是一番秋

儘教鷹隼擊高秋疏散偏宜上酒樓
一醉渾忘杯在手月涼殘角度幽州

漫云骨相誤封侯
記向邊關兩過秋
尙有故園松菊在
何當歸
作著書謀

次韻答林瑱光先生代三兄作

平生意氣擬春雲
客路相逢秋已深
畫角聲聞涼似水
菊花顏
色好於金
空思駁亂文章手
尊人畏
盧老人賴有經時父母心
縱目關河
風雪橫
安求廣廈庇寒黔

聽歌二首贈鳳憐

木落秋深冷萬泉
凝香歌袖尙翩翩
儘教一曲非天上
從此人
間說鳳憐

可堪對酒更聞歌曲
巷斜陽向晚多怪底
西風最飄蕩絕無消
息奈愁何

丙子十二月十九日爲東坡先生誕生第十五周甲同人

讌集分韻得青字

九百年來一瞬經休論衫鬢兩青青生前泥雪知何似死後文章尙有靈儘覺孤吟如賈島不妨爛醉學劉伶細推丙子真多事臘鼓鼙鼙我未醒

平生憂患已深經千載丹心託汗青興廢由來關國運行吟聊復弔湘靈樽開殘歲真堪惜夢斷孤燈只自伶此會當知天有意拌將沈醉對君醒

前題用易生韻

瑟瑟秋江動暮寒相逢只解勸加餐偶思鱸膾輸張翰未許山林老謝安勝會重邀天雪晚高樓一醉夕陽殘嗟予潦倒吟肩

聳刻燭題成夜欲闌

歲暮讌集卽席

醉聽絲管聒寒堂
漏滴沈沈夜正長
羣公酒量深於海
自我才情薄近狂
已分禍原關塞馬
休從歧路感亡羊
座中白傅能談偈
兩字南無與世忘

浮生最愛壺中意
況有河東共醉顏
得句歸心縈筆底
舉頭殘日滿江關
求將哲士三躬省
樂此窮年一夕閒
修己安人吾輩事
數詩狂語不須刪

成句

東渡前一日偕公眉培之小飲西園時桃花盛開

行行猶及惜芳菲
莫向樽前感逝暉
開落年年同此恨
去留處處等無歸
浮生大夢應參否
渡海詩心欲語非
往事如煙那可

說回頭身世兩相違

晚發

十年未了東游債
微雨黃昏趣此行
四月櫻殘春已老
更從何處著詩情

讀書行路兩難期
世網撻人但自悲
此去雲山應笑我
風懷漸遜少年時

過朝鮮平州

入境晨光恨熹微
舉頭風物已全非
偶過江上憐初日
漸覺人間易白衣
野叟無言獨把釣
青山有意遠相依
轆轤聲急車聲雜
誰向東游說息機

舟中寄未若妹

海上黃昏不計程倚闌思與水俱清阿兄流落垂三十慙愧闈
中奉母情

共適人夜話因憶前事

少年學道苦難成直覺因緣誤此生七尺形骸空自厭萬重心
事待君平夢回涼夜詩堪續月灑煙波海有情及曉登臨應展
目三山如黛省前盟

雨夜寄懷容與吉林并柬小野

橐筆東來客思寥小樓臥聽雨瀟瀟勞人久負尋山約似海離
情不可描

雲山過眼都如夢欲著新詩恐近名四月魚肥江水美有人江
上惜鵲聲

京都清水寺

到此禪心似水清
奇花媚客不知名
棲遲漸省塵緣重
徒倚端教世慮輕
溪山愈好真無價
魚鳥相看各有情
待向伽藍求剃度
寫經采藥懺餘生

京都金岩樓即事

舊京一別奈恩恩
去駐何因問雪鴻
相對無言但進酒
繞闌花發女兒紅

酒家

曲檻迴廊挂紫蘿
夕陽雖好苦無多
扶桑春盡詩才薄
愁絕樽前白紵歌

贈懷園先生

未訪懷園已有時春歸杖履可相宜蘇瞻入世猶談偈匡鼎逢
人只說詩末座居然容我傲浪游轉覺看山疲東來好景公能
記不是江南亦足奇

二見浦海濱有寄

京洛溪山興未窮掉頭來此聽濤聲孤懷似海真無極萬感如
潮豈易平浮世幾人憐索落流雲到處幻陰晴何當杯酒逢君
共試著扁舟趁月明

信宿二見浦寄懷芙青長崎

三年虛負東游約此夕思君海一涯客懷冥冥風濤急冷雨孤
燈數落花

名古屋道中

十里麥波似剪齊
濕雲無際壓山低
汲泉村婦赤雙腳
夾路茅檐唱午雞

山城隱隱路迢迢
流水人家見小橋
自我慙無圖畫手
千蒼萬翠倩誰描

微雨登日光山

誰染峯巒如翠滴
偶來晴雨兩相宜
同游已失層雲裏
錯認冰旗作酒旗

多摩川上寄五弟之非

竟日清游信足歡
垂楊萬樹竹千竿
十年塵夢應消盡
卻著詩心在藥闌

一抹閒雲曳碧蘿
夕陽轉覺亂山多
無言獨自掬川水
已負年

華奈此波

泊熱海時足痛甚劇

未老先衰惜腳腰酒旗迎客意無聊海山看盡人扶病一夜鄉
心亂似潮

靜岡縣道中足痛甚劇愴然賦此寄上三兄時非

前途衰病漸難支亂塚斜陽繫客悲滿地桑麻兒女事千年木
石古今思英雄花月須同盡碧水青山無限期我自苦吟君悟
道相看各有白頭時

別府旅邸

六十看將半回頭雜苦甘古今多少事聊向靜中參
繞岸數羣山漁舟任往還浮生憐半日獨對白鷗閒

神戶有作

爲問懷人亭在否
竭來此地自沈吟
傷離感逝尋常事
賸有南溟一徙心

朝發下關

水映朝陽似血殷
英雄造事憶辛酸
重來地已三年隔
兩樣心情過馬關

前題次少虬韻

又載孤愁出下關
如流歲月杳難還
何人省得低徊意
去國詩懷著亂山

關西道中贈仲乙

恰熟枇杷樹樹金
蒼松翠竹倚山深
惠崇舊有丹青筆
爲寫炊

煙帶遠林

東京留別培之

風懷漸遜少年時
感別傷離酒一卮
客裏同深天末思
高樓殘照雨絲絲

雨中別大阪城

好山好水更何之
卜宅攜書念絕癡
夾道煙雲三萬樹
贈行況有雨催詩

再過平州

豈有河山非昔日
空餘此地事無窮
驛臺悄立無人識
短髮吹寒只曉風

漢水上作

迎人柳色尙依依
雞犬憑誰話式微
漸覺前途心緒惡
酒杯無計遣斜暉

白雲千里客懷孤
直北關山不可圖
一夜吟成眠未得
漢江煙月渺愁吾

感逝六橋先生

譜得新聲崎網蘭
晚懷風月落清歡
窮愁作計付千載
江海餘生託一官
搔背有人聊出塞
論詩到我未來難
孤燈幾度摩遺墨
滿紙淋漓不忍看

聽少虬酒後唱大江東去卻贈

淺斟低酌醉顏紅
殘月淒淒趁曉風
我亦當年柳三變
可堪更聽大江東

猶有清時名士氣
頻年歌哭混屠沽
一家詞賦人爭識
流宦風懷似二蘇

奉題懷園先生洗心禮佛圖

餘事猶能作苦吟
煙花禪榻寄幽深
寫經覓句都無賴
入世還同出世心

散花人亦好如花
小駐何妨宦即家
壞色無殊非色相
紅裙不必異袈裟

幾人捷徑累爭先
詩酒清時只自憐
應是前身蘇玉局
江湖廊廟兩宜禪

鳶肩火色竟如何
歲月堂堂夢裏過
自我世情消未得
難參非想對維摩

贈祝劍雲先生

相見時難況別離共臨荒漠惜春遲卅年心事頭堪白一棹歸
帆柳正垂豈有幼安容避地真成仲則苦吟詩飄零空賦江南
憶仗劍從游未可期

歲暮有寄

鳶肩火色空爲負歲月堂堂彈指過尙有丹鉛憐少壯更看風
雪逼殘柯知君解得人間夢笑我難除醉後歌賸著此心天際
月紅深墟火奈愁何

相期

漸覺文章真小技風雲欲老苦吟身可堪家國無窮事輸與街
頭賣卜人

君心似玉不勝皤啓我深情正爾多萬念空明比天女散花時
伴病維摩

踏雪東來江水寒臨深履薄力心殫相期莫恨壤天窄小白山
青聊共看

頗聞佛說無人我萬古蒼茫寓此心亦欲築庵頻夜起龍州老
去更誰任

除夕奉懷荊山先生

一年歲月看將盡千里情懷解未能永夜無眠愁止酒短檠孤
照冷於僧論詩草草豈堪數好士殷殷彌可稱聞說青田頗禮

佛過從我欲絕嫌憎

懷園先生適以洗
心禮佛圖屬題

立春日任重召飲即贈

先生生計存鹽鐵季直深心爲國經我自攤書成市隱小窗燈
火話青熒

機雲入洛滯聲名等是窮途仗友生三十年華無寸業當春搖
落亂鄉情

萬泉園卽事

一掬朝陽欲上時繁陰四月已披離游人未至容孤往乳燕初
飛故自遲寂寂野櫻開又落茫茫來日渺難知低徊但覺情緣
累卻數殘紅寄所思

有贈

暖閣迴廊障暮煙依人翠袖總娟娟別有風懷誰省得歌成卻
憶李龜年

酬小野吉林

少薄功名聊學語只今流落轉無詩
萬山當戶君能賞一水生
波我所思豈有黃墟容小醉更看白髮亂
餘悲暉寸寸情何似苦恨南歸計已遲

北山感事

眼底風光似舊時獨憑流水送遐思
闌干倚徧山行徧今日重來更語誰

細雨涼生水上亭江天東去色青青
禪心欲逐沾泥絮向晚鐘聲不可聽

北山暫留軒

休輕三十登臨脚曷爲軒名更暫留
弱柳又添今歲綠大江未

改舊時流遠山似黛誰能畫往事如煙豈可收
忽憶殘冬風雪裏偕來分韻苦難酬

贈卹藍時東渡歸來

分明照水有驚鴻去國幽懷恨未同三月綠肥春愈老
杜鵑花作可憐紅

一樽

未曾識面早相知人海相逢苦恨遲夏水何如春水碧
別君江上柳垂垂

笑談自足空今古離合誰堪問昔因我亦飄零過年少
一樽和淚醉江濱

雨後新添水半篙蒼蒼小白未能高共君欲話人間世
風挾江

聲有怒濤

詩名綺歲兩俱過坐對江山感浙波此日吟成聊復寄更無木
色奈君何

中秋牡丹園賞月次韻

一笑相逢樂事稠滿城歌管萬家秋園林著得詩人未無限清
光恰動頭

乘風歸去料應難顧影真成鏡裏鸞高會不知身是客但憑樽
酒送宵寒

風前各自盡千觴明月當頭瀉素光一事醉中君記取黃花紫
蟹欲重陽

贈少虬即送其南歸

十年過往短燈檠元白遭時浪得名今日對君難止酒打窗風
雨作秋聲

我亦推敲一字師黃墟共醉憶春時可堪禪榻輕煙候感別情
懷苦費辭

大江東去去如何慷慨襟期付一歌少虬對酒歡喜
唱大江東詞尙有幽并年少

意入關爭似出關多

相見時難別亦難舊京風物愔清歡君家畫筆兼詩筆好趁斜

陽寫斷巒

悼稷園五色鸚鵡

慧質爭憐采羽繁金籠雨露獨承恩分明多少宮中事到此真
成不敢言

秋老江亭落照長
靈飛詩碣對淒涼
月明南內魂歸處
猶自風前憶上皇

後死心悲但問禪
稷園空帶上林煙
西風一掬黃門淚
灑盡興亡五百年

休將往事談天寶
禾黍離離悵舊京
即今欲賦慙才思
更有何人擬正平

酒家共劉大作

興來呼酒從君醉
門外秋聲不可聽
逐逐十年眞夢裏
悠悠萬感付空冥
人間憎愛誰堪了
杯底鬚眉尙爾青
我未忘言渾欲辨
舉頭天末有殘星

豈有高歌對阿咸
燒羊未老我猶饒
西冷風月秋無似
塞上杯

勺醉可銜種得新愁來鼎鼎書將怪事每喃喃維摩多病憐禪榻一室煙花相自嚴

秋柳

炫露絲絲絕可憐傷心往事欲成煙西風飄蕩腰支小作得相思動隔年

九日奉懷一葦先生用東坡和鼂同年九日見寄韻

雁唳霜風已倦飛故交零落豈堪思著書頗省千年計遠客難消九日悲夢裏功名何處是樽前心史話伊誰比來學得禪觀法聊寄先生本色詩

恩恩

恩恩不是少年時可耐蕭條歲暮悲載得新愁兼酒病東來賸

有憶君時

雪裏江山作壯觀燒羊今日我猶饒何當沽酒從君去一醉人間儻不凡

無限幽情無限恨到頭非愛亦非嗔欲覓此心何所覓彌天人我是微塵

共卹藍夜話

年年作客又今年身世何由卜十全亦欲從君說搖落歲寒心事忽如拳

一燈誰與話宵寒得失樽前且自寬門外雪深竟三尺古今何限未來難

頗聞憎愛都爲累絮果蘭因付斷禪各有幽懷消未得無窮去

駐在人天

卻得閒愁到酒邊
難憑火色與鳶肩
聞雞此意空飛動
賸有詩名似少年

贈歌者

殘年歲月苦無多
滿地冰霜履若何
我有人間愁萬斛
夜闌對酒聽君歌

彌天人我不堪論
往事悠悠失夢痕
莫問三生飛絮果
歌成宛轉竟無言

清涼山

古

山容水態足清涼
客裏登臨感興長
巨壑江流猶洶涌
因風襟抱自低昂
上頭未敢題詩句
四顧真成悟道場
辛苦欲聞家國

事殘紅何處認齊梁

一身

一身久已繫安危哀樂中年事可追
八百孤寒齊仰首儘多餘
子著殘碁

紛紛人已何時了野哭行歌無限嗟
誰向古今論得失知公心事託梅花

秋思

白門秋思竟何如筆硯猶能伴索居
降虜將軍森劍氣耽詩名
士廢吟餘十年歌哭付江水
萬里鄉關無寸書眼底風雲須努力
紫金山色況招予

重九

便欲登高去其如風雨何名心消白菊客思泛清波赤馬頻年
苦哀鴻徧野多金貂庸足惜換酒爲君羅

莫愁湖偕岫藍

萬縷鄉懷著柳絲衫青鬢黑有餘思莫愁風物真堪畫忽憶西
湖盪槳時

王孫何事滯天涯生小松江尙有家我自工詩君繡佛春來莫
負六朝花

千古興亡一局碁英雄造事亦兒嬉水村山郭斜陽裏不見風
前舊酒旗

一任

鼎鼎新愁酒病持萬方如此我何之立身豈患無餘地亘古難

窮未盡思一任泥深沾墮絮可堪春去苦吟詩樽前檢點年來
意感玉心情似舊時

寄五弟之非北平

雨洗鍾山入畫圖莫愁春色滿平蕪新來游興空如許倦客情
懷似舊無

王謝風流迹已非膠西家世隱衰微倚闌何限春令感道蘊松
江歸未歸

可有江山慰不才釜中葑豆事堪哀相偕幸有同心侶典盡金
釵換酒來

煙雨樓臺慘未舒遼中烽火渺愁予十年塵夢消江水不爲思
君亦寄書

感 事

遼中烽火密雲沈
天意猶能念遠黔
哭亂逐貧人尙壯
回黃轉綠迹堪尋
詩書漫捲歸何計
江月愁看感不禁
落落十年成底事
無端家國自驚心

還都詩次韻

投荒猶憶挈書行
八載丹心繫兩京
過眼江山憐小劫
向人詩句亦多情
維摩入世虛真想
劍外歸期竟太平
便與先生談翰墨
紫金朝色掠樽明

秦淮酒樓題壁

滿城煙月舊樓臺
絲肉中宵雜百哀
過客漫驚風景改
江山何限恩詩才

鶯迷舊院想風流年少詞人欲白頭華屋山邱同一例新亭涕
淚未堪收

楊柳垂垂繫畫船珠歌翠繞夜如年無情最是秦淮水只泛艤

脂不泛錢

樓下乞兒數輩丐錢不得

王孫歸去已無家悒悒推杯懣歲華別有幽懷消未得沾裳豈
獨爲琵琶

靜庵先生還都後以詩見訊賦此奉答

倭氛靖後拜先生勞夢年年淚欲傾事有萬千殊未了心如江
海總難平拌將白髮殉書卷待向屠沽混姓名眼底湖山無限
好重來莫起故園情

瀋南回首執經時一葦東航繫夢思自有冰心欲沈海可堪浮

世轉無詩樽前話舊驚生死劫後懷歸尙亂離我亦飄零過年
少讀書擊劍兩難奇

正月四日

萬感無端似亂絲逢辰但自苦吟詩問名求愛終何補填海移
山孔未癡仲則因循留病日祖生慷慨聽雞時中原俯視凝雲
氣已覺新愁枉酒卮

黃漢鏞先生
亦生於是日

苦說歸期尙未歸向人心事兩俱非頗知得失同碁局欲卜升
沈在見幾藥鼎茶鐺成日課遐思墮夢亦禪機鏡中青鬢空如
許總爲詩名惜布衣

贈盧翼野

紫金煙雨兩霏微二月江南鶯未飛賸有詩人盧翼野斷杯殘

韻自依依

欲歌桃葉問桃根
王謝烏衣一徑存
我亦南來遼海鶴
歸期如夢不堪溫

盧前王後亦何辭
匡鼎逢人只說詩
竟欲清談憐國是
江山可似六朝時

夢中得新意搖搖敢預支
七字醒卒成之

三十功名應已遲
頭顱到此不難知
蹉跎我自輸青眼
少小人爭識白眉

余胸有四乳

便欲著書愁閉戶
何堪擁几拾殘碁
行吟未省

千年計新意搖搖敢預支

清人論詩預支五百年新意

鷄鳴埭

入座湖波不盡青
鐘聲斷處最堪聽
禪堂花木空如許
遮眼惟

傳作客經

勝地重來倍有情
江流遙帶六朝聲
低徊何限人天感
不問因緣但問名

景陽井合成樓空

成句

一代江山夕照紅
莫漫凭闌歌玉樹英

雄成敗古今同

七寶莊嚴瓔珞紛
茶香鳥語助聲聞
清時敢有家山想
自起推窗看白雲

贈浩銘

蕉聲竹語自宵涼
對坐沈沈已兩忘
萬里懷歸憐久客
三年索艾竟無方
江流終古昧興廢
身世於今諳短長
忽憶東坡窮海上
寫經覓句省行藏

贈文伯先生

風流吾愛孟夫子讀律明經能兩賢
甘載空期家國事爲攜憂
樂入中年

江南憔悴庾蘭成已滅匈奴未罷兵
滿地關山勞北望哀蟬是
處亂鄉情

巫峽蕭森蜀道難大江東去咽悲歡
知君久負湖山約煙雨樓
臺耐醉看

秋日登掃葉樓

重陽未近先風雨撩亂鄉懷逐斷蓬
報國惟餘書劍在論詩漸
覺鞿愁工樽前往事來如夢劫後名
心去似鴻掃葉樓頭吾悵
望更無佳思落江東

重九寄懷劉大長春

關塞重重結夢難，小樓永夜不成歡。
論詩猶憶窮燈火，料敵誰曾嘔肺肝。
萬事因循消濁酒，二陵風雨逼高寒。
扁舟鱸膾虛歸

去，搖落鄉心奈未寬。

二陵乃國父陵與明孝陵

亂後初謁一葦先生瀋陽

跌宕文場又宦場，一燈且共話淒涼。
驚聞朋輩多新鬼，賸有詩篇寓舊狂。
我滯江皋空賣賦，君參季世見行藏。
萬泉歲歲秋風

裏，禿柳殘荷引興長。

先生九一八後有秋柳詩徵和

次韻奉和靜老北陵之作

劫餘誰復計窮通，毛羽因人奈未豐。
最喜牧歌夕照裏，漫尋斷碣亂煙中。
戰和舉國猶紛議，林壑東園自好風。
手把殘紅思往

事江湖流轉一坡翁

丙戌除夕感懷

年年虛此夕往事集青樽
我曾何礙歲時若有言開明聊共
卜裘亂記誰存強抑思親淚平生未報恩

潘長道中

東風吹柳綠猶遲
宦情懷兩鬢知落落舊游誰
省得獨攜愁病過春時

回首江南客夢孤
半篙春色漾平湖
只今又踏長遼路
少小詩名記得無

十載鄉心底處寬
松青沙白寫荒寒
望中城郭三千里
不見遼東管幼安

清明上巳兩愔愔
草色依稀最惱公
漸覺頭顱猶昔日
一樽難發少年紅

詩苦獨憐人未高
東來心事轉蕭騷
關山搖落杏花冷
待聽松江萬古濤

717100